

Umhverfis- og auðlindaráðuneytið
Skuggasundi 1
101 Reykjavík

25. október 2019

Starfshópur um endurskoðun viðauka l.nr. 7/1998 um hollustuhætti og mengunarvarnir.

Undirrituð voru skipuð í ofangreindan starfshóp Umhverfis- og auðlindaráðuneytis með bréfi dagsett 15. maí 2019. Markmið hópsins var að lagfæra misræmi milli viðauka og athuga hvort tiltekna starfsemi vanti í framangreinda viðauka sem og hvort einhver starfsemi eigi að falla á brott.

Verkefni hópsins var að setja saman drög að endurskoðuðum viðaukum við lög um hollustuhætti og mengunarvarnir og voru haldnir nokkrir fundir í ráðuneytinu. Vinna hópsins fór vel af stað og lá fljótlega fyrir að annaðhvort yrðu gerðar breytingar á núverandi viðauka laganna eða byggt yrði á ÍSAT 2008 flokkunarkerfi Hagstofunnar, einkum þar sem ráðuneytið hafði áður látið fara fram vinnu hjá heilbrigðiseftirlitssvæðunum við að aðlaga kerfið að starfsemi heilbrigðiseftirlitsins.

Niðurstaðan sem send var í samráðsgátt var þó einhliða ákvörðun ráðuneytisins þar sem lagðar eru til breytingar á núverandi viðaukum og að stuðst verði við óbreytt ÍSAT 2008 kerfi við gerð viðauka reglugerða. Breytingar sem gerðar eru á viðauka laganna eru settar fram án umfjöllunar starfshópsins og án þess að þær athugasemdir sem fulltrúar í starfshópnum gerðu við fyrirbyggjandi drög fengju umfjöllun og án þess að athugasemdir sem heilbrigðiseftirlitssvæðin sendu inn fengju umfjöllun starfshópsins.


Í þessari vinnu er það mat undirritaðra að málið hafi verið sent vanreifað í samráðsgátt. Mikilvægt sé að falla frá breytingu á lögnum og að vinna verði málið mun betur.

Breytingar á viðaukum laganna hafa í för með sér keðjuverkandi breytingar á störfum heilbrigðiseftirlits og Umhverfisstofnunar og fela í sér breytingar á viðaukum reglugerða sem sett eru með stoð í lögnum. Sömuleiðis hanga á spýtnni breytingar vegna skráningarreglugerðar. Sú starfssemi sem kynnt er sem skráningarskyld er ekki í samræmi við tillögur sérfræðinga heilbrigðiseftirlits og Umhverfisstofnunar sem þó eru settar fram að undangengnu áhættumati. Skráningarreglugerð er boðuð sem einföldun á eftirliti en felur raunverulega í sér aukið flækjustig og einnig tilflutning á tekjum frá heilbrigðiseftirlitssvæðum til Umhverfisstofnunar. Þá eru ákveðnir fyrirtækjahópar gerðir undanþegnir starfsleyfi en eru áfram eftirlitsskyldir. Það er mat undirritaðra að verið sé að veikja stöðu heilbrigðiseftirlitsins í að gera kröfur til fyrirtækja og stofnana með þessari breytingu.


HEILBRIGÐISEFTIRLIT KJÓSARSVÆÐIS

Í stað þess að allir fái stafsleyfi sem eru veitt að undangengnum leiðbeiningum frá viðkomandi stjórnvaldi eru fyrirtæki nú ýmist undanþegin starfsleyfi en þurfa samt að sæta tilfallandi eftirliti, eru skráningarskyld hjá Umhverfisstofnun en þurfa samt að skrást hjá heilbrigðiseftirliti og sæta eftirliti og svo þau sem eru áfram starfsleyfis- og eftirlitsskyld. Þetta er er svipuð einföldun og að byggja vegg úr torfi og grjóti og að einfalda svo vegginn og byggja hann bara úr grjóti þar sem bindingin sem áður var í veggnum með rótum torfsins er horfin og eftir stendur einfaldur steinveggur, einfaldur en mun veikari.

Virðingarfyllst,



Sigrún Guðmundsdóttir,
framkvæmdastjóri
Heilbrigðiseftirlits Suðurlands
Netfang: sigrun@hsl.is



Þorsteinn Narfason
framkvæmdastjóri
Heilbrigðiseftirlits Kjósarsvæðis

STARFSSVÆÐI: KJÓSARHREPPUR • MOSFELLSBÆR • SELTJARNARNES

ADSETUR: Þverholt 2, 270 Mosfellsbær • SÍMI: 525 6795 • MYNDSENDIR: 525 6799 • KENNITALA: 460290-2529

HEIMASÍÐA: www.eftirlit.is • NETFÖNG: eftirlit@eftirlit.is